

**Regionalni challenge fond
objavljuje prvi poziv za podnošenje Izjava o zainteresovanosti
koji je otvoren od 01.02.–30.04. 2021.**

Regionalni challenge fond

Regionalni *challenge fond* je novi program koji nastoji da poveća produktivnost i konkurentnost preduzeća u 6 ekonomija Zapadnog Balkana (ZB6).

Preduzećima su potrebni obučeni radnici. Istovremeno, mladim ljudima je potrebno da stiču adekvatne vještine, što u današnjim izazovnim vremenima može da bude zahtjevno. Fond će podržati prevazilaženje raskoraka tako što će finansirati ulaganja u opremu i infrastrukturu potrebnu ustanovama koje pružaju stručno obrazovanje i obuku (USOO), kako bi pomogle svojim učenicima u sticanju vještina u skladu sa potrebama preduzeća. Konkretno, Fond će podržati USOO-ve koji uspostave partnerstvo sa preduzećima radi razvoja programa dualnog obrazovanja tokom kojeg učenici razvijaju vještine potrebne partnerskom preduzeću. Rezultati se ogledaju u visokoobučenom kadru koji je adekvatno kvalifikovan i spreman za rad.

Fond je nastao na inicijativu njemačkog Saveznog ministarstva za ekonomsku saradnju i razvoj (BMZ), delegiran je KfW Razvojnoj banci, a provodi ga Komorski investicioni forum Zapadnog Balkana 6 (ZB6 KIF), kao zajednička inicijativa privrednih komora iz regiona.

Fond će tokom pet godina plasirati 18,8 miliona eura podrške ulaganjima u projekte dualnog obrazovanja ZB6 KIF ekonomija. Grantovi će biti dodjeljivani putem pet poziva ustanovama za pružanje stručnog obrazovanja i obuke i preduzećima iz privatnog sektora za podnošenje prijedloga projekata. Cilj je finansiranje do 60 projekata za vrijeme trajanja programa.

Dualno obrazovanje

Dualno obrazovanje uključuje privredni sektor tokom procesa razvoja, provođenja i ocjene stručnog obrazovanja. Ovo se postiže kombinovanjem stručnog obrazovanja u ustanovama i obuke u preduzećima na fleksibilan način kroz razvoj vještina, znanja i stavova kod budućih radnika. Ovakav pristup je dokazano uspješan u osposobljavanju maturanata ili diplomanata i omogućava sticanje praktičnih vještina traženih na tržištu rada.

Ustanove nadležne za obrazovanje u ekonomijama Zapadnog Balkana prepoznale su kooperativno ili dualno obrazovanje kao koristan alat za premošćivanje jaza između obrazovne ponude i potražnje na tržištu rada.

Ipak, ono je još uvijek u ranim fazama razvoja i potrebna je dodatna podrška za dalju realizaciju. Regionalni challenge fond je upravo i uspostavljen radi pružanja takve podrške.

Prvi poziv za podnošenje Izjava o zainteresovanosti

Prvi poziv za podnošenje Izjava o zainteresovanosti je otvoren od 1. februara do 30. aprila 2021. godine. Konkurs se istovremeno objavljuje u šest balkanskih ekonomija i obuhvata sve ekonomske sektore.

Ko se može prijaviti?

Prijava je otvorena za konzorcije sačinjene od jedne ustanove koja pruža stručno obrazovanje i obuku i najmanje dva privatna preduzeća. Konzorciji treba da sarađuju na pripremi i provođenju programa dualnog obrazovanja čiji će rezultat biti nacionalno priznate diplome ili certifikati. Konzorciji mogu poslovati u bilo kojoj od šest ekonomija Zapadnog Balkana.

Mogućnosti za učesnike

Zašto se prijaviti:

- Fond pomaže USSO da sopstvene programe usklade prema potrebama preduzeća kroz ulaganje u modernu opremu i infrastrukturu za obuku u skladu sa zahtjevima savremenog poslovanja.
- Fond podržava razvoj i sistemsku upotrebu metoda kooperativnog i dualnog obrazovanja i podstiče uvođenje novih tehnologija;
- Program olakšava preduzećima da ostvare partnerstva sa obrazovnim ustanovama i izrade programe obuka prilagođene njihovim potrebama te na taj način prevaziđu izazove nedostatka ljudskih resursa i ojačaju svoje kapacitete.

Proces prijavljivanja

Proces prijavljivanja za dobijanje bespovratnih sredstava provodi se u dvije faze. Tokom prve faze, zainteresovani konzorciji treba da podnesu Izjavu o zainteresovanosti. Nakon što nezavisna stručna komisija pregleda Izjave o zainteresovanosti, odabrani konzorciji se pozivaju u drugu fazu u kojoj podnose sveobuhvatnu prijavu sa prijedlogom planiranog ulaganja.

Sljedeći rokovi se primjenjuju za prvi poziv:

Prva faza – izražavanje zainteresovanosti

- Poziv je otvoren od 1. februara 2021. godine.
- Krajnji rok za podnošenje Izjava o zainteresovanosti je 30. april 2021. godine.

Druga faza – sveobuhvatna prijava

- Slanje obavijesti odabranim konzorcijima do 31. maja 2021. godine.
- Rok za podnošenje kompletne prijave je 31. juli 2021. godine.

Sve Izjave o zainteresovanosti moraju se podnijeti putem *online* platforme za podnošenje prijava koja se nalazi na www.rcf-wb6.org do 30. aprila 2021. godine.